



Bentiaraq Ottosen

UPA 2026/71

Atassut

18. Maj 2026

Perorsaanermi, isumaginninnermilu suliatigut piginnaasat meeqqat aturfiani atualertunut atorluarluarnissaannut qanoq pitsaanerulersinnaanersugut pillugu, apeqquaqat aallaavigalugu oqallinnissamik siunnersuut.

(Inatsisartunut ilaasortaq Pipaluk Olsen, Demokraatit)

Atassummiit qutsavigerusupparput apeqquaqat aallaavigalungu oqallinnissamik siunnersuuteqartoq Pipaluk Olsen Demokraatineersoq. Pitsaasuvoq meeqqat atualerlaat iserterneranni ikorfartorneqarnissaannut qanoq pitsaanerpaamik tapersersuissalluni ukkassissanerluni isummersuuteqarneq, inuttut aammalu suliatigut.

Isumaqaataavugut ingerlalluarnissamut atassuteqaatit aammalu toqqissisimaneq aalajangiisuulluinnartartut meeqqat ilinniartarnerannut. Taamaammat aamma attuumassuteqarpoq aalajangersassallugu perorsaanikkut isumaginninnikkullu piginnaasat qanoq atorluarneqarnerusinnaanerat isumaliuutigeqqinnaassallugu.

Atassut isumaqarpoq pingaaruteqartoq ersarissaatigissallugu atorfiit immikkoortittariaqarneri aammalu taakkununga atungassarititaasut. Ilinniartitsisut aammalu isumaginninnikkut perorsaanikkullu suliaqartut assigiinngitsunik sinaakkusersorneqarsimapput ilinniakkatigut; isumaqatigiissutitigut; aammalu suleriaatsitigut, matumanilu aamma immikkoorutaat kattuffiit aamma ilisimavagut IMAK & NPK. Taamaattumik eqqartorniarsinnaaneri politikikkut killeqarsorinarpoq taakkunani susasaqartut suliaqartullu nalilersueqataaqaarsimatinnagit.

Naqissuserusupparpullu, politikikkut aalajagiineq patajaatsumik suliatigut toqqammaveqassammat, inuttut misilittakkatigunnaanani. Misilittakkat naluujupput, kisiisali toqqammavilersuutiginiassallugit aqqissuussaannikkut allannguiniarnermi aturfefarfinni naammangillat.

Tamatuma saniatigut pingaaruteqarpoq isiginiassallugu, ullumikkut ilniarsimasunik amigaateqaratta, ulluunerani paaqqinnittarfinni aammalu ulloq unnuarlu paaqqinnittarfinni Nunarput tamakkerlugu. Perorsaanerup iluani ilinniangaqarsimasortagut aturfinnut nuutsitissagutsigit suli sanngiillisinnerulersinnaavagut Nunatsinni paaqqinnittarfiit eqqaariikkavut, amingaateqareeqisut maannakkumut.

Taamaattumik Atassut isumaqarpoq eqqartukkat taama ittut ilinniartitsisut aammalu perorsaanikkut isumaginninnikkullu ilinningaartut akornanni eqqartungassaasut aammalu taakkua kattuffiini politikikkut isummersorfigineqalertingatik aalajagiiffigineqalertingatillu



allannguutaasinnaasunik. Politikkikkut sinaakkusersuissaagut, ataqqissavangulli aamma ilinniakkat suliallu assigiinngissusaat.

Naggasiullugu eqqaarusupparput Naalakkersuisut atuarfiit pillugit allannguutissamut siunnersuummik ingerlataqarmata: (UPA2026/35), tamanna Atassummiit qilanaaralugu oqalliseqataaffigiumaarparput.

Qujanaq.